



6 Oktober 2021
6 October 2021
P.U. (A) 381

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PENCEGAHAN DAN
PENGAWALAN PENYAKIT BERJANGKIT
(LANGKAH-LANGKAH DI DALAM
KAWASAN TEMPATAN JANGKITAN)
(PELAN PEMULIHAN NEGARA) (PINDAAN) (NO. 2) 2021

*PREVENTION AND CONTROL OF INFECTIOUS DISEASES
(MEASURES WITHIN INFECTED LOCAL AREAS)
(NATIONAL RECOVERY PLAN) (AMENDMENT) (NO. 2)
REGULATIONS 2021*

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PENCEGAHAN DAN PENGAWALAN PENYAKIT BERJANGKIT 1988

PERATURAN-PERATURAN PENCEGAHAN DAN PENGAWALAN PENYAKIT BERJANGKIT
(LANGKAH-LANGKAH DI DALAM KAWASAN TEMPATAN JANGKITAN)
(PELAN PEMULIHAN NEGARA) (PINDAAN) (NO. 2) 2021

PADA menjalankan kuasa yang diberikan oleh subseksyen 11(2) Akta Pencegahan dan Pengawalan Penyakit Berjangkit 1988 [*Akta 342*], Menteri membuat peraturan-peraturan yang berikut:

Nama

1. Peraturan-peraturan ini bolehlah dinamakan **Peraturan-Peraturan Pencegahan dan Pengawalan Penyakit Berjangkit (Langkah-Langkah di dalam Kawasan Tempatan Jangkitan) (Pelan Pemulihan Negara) (Pindaan) (No. 2) 2021**.

Pindaan peraturan 3

2. Peraturan-Peraturan Pencegahan dan Pengawalan Penyakit Berjangkit (Langkah-Langkah di dalam Kawasan Tempatan Jangkitan) (Pelan Pemulihan Negara) 2021 [*P.U. (A) 293/2021*], yang disebut “Peraturan-Peraturan ibu” dalam Peraturan-Peraturan ini, dipinda dalam peraturan 3—

- (a) dengan menggantikan noktah yang terdapat di hujung takrif “kawasan tempatan jangkitan” dengan koma bernoktah; dan
- (b) dengan memasukkan selepas takrif “kawasan tempatan jangkitan” takrif yang berikut:

‘ “peranti pengesanan” ertinya apa-apa peranti yang diberikan oleh pegawai diberi kuasa termasuklah suatu gelang tangan.’.

Peraturan baharu 11A

3. Peraturan-Peraturan ibu dipinda dengan memasukkan selepas peraturan 11 peraturan yang berikut:

“Kehendak untuk memakai peranti pengesanan

11A.(1) Seseorang pegawai diberi kuasa boleh mengarahkan supaya mana-mana orang yang dijangkiti oleh Penyakit Koronavirus 2019 (COVID-19) atau yang dia mempunyai sebab untuk percaya telah dijangkiti oleh Penyakit Koronavirus 2019 (COVID-19), atau mana-mana kontak, untuk memakai apa-apa peranti pengesanan yang diberikan kepadanya.

(2) Mana-mana orang yang disebut dalam subperaturan (1) hendaklah mematuhi apa-apa arahan yang dikeluarkan oleh seseorang pegawai diberi kuasa.

(3) Mana-mana orang yang memusnahkan, merosakkan, menghilangkan atau mengubah peranti pengesanan itu melakukan suatu kesalahan.”.

Pindaan peraturan 12

4. Peraturan 12 Peraturan-Peraturan ibu dipinda—

(a) dalam subperaturan (3), dengan menggantikan perkataan “gelang tangan” dengan perkataan “peranti pengesanan”; dan

(b) dengan memasukkan selepas subperaturan (3) subperaturan yang berikut:

“(4) Mana-mana orang yang memusnahkan, merosakkan, menghilangkan atau mengubah peranti pengesanan itu melakukan suatu kesalahan.”.